



BOSNIA AND HERZEGOVINA  
MINISTRY OF FOREIGN TRADE AND  
ECONOMIC RELATIONS

Broj: 09-3-02-1305-3/17  
Sarajevo, 19.07.2017.godine

Na osnovu člana 64. stav (1) tačka b) i 70. Zakona o javnim nabavkama („Službeni glasnik BiH“ broj 39/14) a u vezi sa članom 5. stav (2) tačka f) Pravilnika o uspostavljanju i radu komisije za nabavke („Službeni glasnik BiH“, broj 103/14), ministar spoljne trgovine i ekonomskih odnosa Bosne i Hercegovine, donosi

O D L U K U

o dodjeli ugovora ponuđaču u predmetu nabavke  
računarske opreme

Član 1.

Ugovor za nabavku roba– **računarske opreme Lot 2 –PC računari**, za potrebe Ministarstva spoljne trgovine i ekonomskih odnosa Bosne i Hercegovine (u daljem tekstu: Ugovorni organ), dodjeljuje se firmi Kodeks d.o.o. Sarajevo na preporuku Komisije za javne nabavke.

Član 2.

Ponuđač iz člana 1. ove Odluke je dostavio ponudu za Lot 2- PC računari u iznosu od 16.953,30 (sa uračunatim PDV-om), koja je ocijenjena prihvatljivom.

Član 3.

Za realizaciju ove Odluke zadužuje se Sektor za pravne i opšte poslove, Odsjek za materijalno - finansijske poslove Ugovornog organa.

Član 4.

Ova Odluka stupa na snagu danom donošenja.

O b r a z l o ž e n j e

Ugovorni organ je 31.03.2017. godine, Odlukom o pokretanju postupka javne nabavke, broj 09-3-02-1305/17, pokrenuo konkurentski zahtjev za nabavku roba – računarske opreme podijeljen u dva LOT-a, i to: Lot 1-Diskovna memorija i Lot 2- PC-računari. Dana 22.06.2017. godine, pod brojem 673-7-1-14-3-9/17, konkurentski zahtjev je objavljen na portalu Agencije za javne nabavke Bosne i Hercegovine.

U ostavljenom krajnjem roku za dostavljanje ponuda na dan 07.07.2017. godine, Ugovorni organ je za nabavku roba – računarske opreme za Lot 2- PC računari, blagovremeno zaprimio dvije ponude:

1. Kodeks d.o.o. Sarajevo –ukupna cijena ponude iznosi 14.490,00 KM (bez PDV-a) i
2. Terabajt d.o.o. Sarajevo- ukupna cijena ponude iznosi 17.284,62 KM (bez PDV-a)

Prema Zapisniku o ocjeni ponuda i preporuci Komisije za javne nabavke Ugovornog organa, broj KJN-interno-7/17 od 07.07.2017. godine (Veza: gore pomenuta Odluka), koja je izvršila detaljni uvid u dokumentaciju pristiglih ponuda i provjeru usklađenosti s tenderskom dokumentacijom, utvrđeno je da dostavljena ponuda firme Kodeks d.o.o. Sarajevo, zadovoljava sve formalnopravne i tehničke uslove navedene u tenderskoj dokumentaciji, a ponuda firme Terabajt d.o.o. Sarajevo, nije zadovoljila formalnopravne i tehničke uslove nedostavljanjem dokumenata/dokaza u svrhu dokazivanja sposobnosti obavljanja profesionalne djelatnosti, (nedostaje ovjera kopije aktuelnog izvoda iz sudskog registra), član 46. ZJN i dokazi u pogledu tehničke i profesionalne sposobnosti član 48. i 49. ZJN, traženi tačkom 10 tenderske dokumentacije.

Shodno navedenom, Komisija je, prema utvrđenom kriteriju najniže cijene, dala preporuku da se u predmetu nabavke roba – računarske opreme za Lot 2-PC računari, donese odluka o dodjeli ugovora ponuđaču Kodeks d.o.o. Sarajevo, čija cijena ponude iznosi 14.490,00 KM, bez PDV-a, a koja je ocijenjena kao jedina prihvatljiva ponuda.

Uzimajući u obzir naprijed navedeno, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se u pisanoj formi izjaviti žalba Uredu za razmatranje žalbi Bosne i Hercegovine u roku od 5 dana od dana prijema Odluke, putem ovog Ugovornog organa.

  
MINISTAR  
  
Mirko Šarović

Prilog:

-Zapisnik o ocjeni ponuda

Dostavljeno:

-ponuđaču,  
-Sektoru za pravne opšte i poslove  
-a/a